

**Ilisimatusarfimmi ilinniarnermut ileqqorissaarnermullu malittarisassat pillugit
Namminersorlutik Oqartussat nalunaarutaat nr. 8, 2. februar 2021-meersoq**

Ilisimatusarfik pillugu Inatsisartut inatsisaanni nr. 12, 12. juni 2019-imeersumi § 14, imm 3
aamma § 32-mi, imm. 3 naapertorlugu aalajangersarneqarput:

*Ilinniarnermut ileqqorissaarnermullu malittarisassanik aalajangersaaneq aamma
tusarniaaneq*

§ 1. Kattuffik ilinniartunut sinniisuutitaasoq tusarniaavigineqareerpata rektori ilinniarnermut
ileqqorissaarnermullu malittarisassanik ilinniartitsinermi avatangiisinik pitsaasunik aamma
ilinniartut pitsaasunik atugarissaarnissaannik qulakkeerinneqataasussanik aalajangersaassaaq.

Tamanit pissarsiarisassannortitsineq aamma ilisimatitsineq

§ 2. Ilisimatusarfiup ilinniarnermut ileqqorissaarnermullu malittarisassai ilinniartunit
pissarsiarineqarsinnaassapput aammalu ilisimatusarfiup nittartagaani allassimassallutik.
Ilinniarnarit aallartinneranni ilinniarnermut ileqqorissaarnermullu malittarisassat pillugit
Ilisimatusarfiup ilinniartut ilisimatissavai aammalu malittarisassat malinneqanngippata
tamanna qanoq kinguneqarsinnaanersoq pillugu ilisimatissallugit.

Imarisai

§ 3. Ilinniarnermut ileqqorissaarnermullu malittarisassat minnerpaamik makkuningga
ilassapput:

- 1) Ilinniakkamik ingerlataqarnissaq pillugu malittarisassat, ilinniarnermik ingerlatsineq
pillugu malittarisassat ilanngullugit aamma napparsimasoqartillugu, ernisoqartillugu,
sulinnigiffeqartoqartillugu il. il. qanoq isummertoqartassanersoq pillugit malittarisassat.
- 2) Pinngitsoorani takkuttarnissaq, takkutinnitsoorneq, takkutinnitsoornermik
nalunaarsuineq, ilinniartitsinermi pinngitsoorani peqataasussaataaneq pillugit malittarisassat,
tassunga ilanngullugit suliaassanik tunniussinissaataaneq misilitsinnernullu
peqataasussaataaneq pillugit malittarisassat.
- 3) Soraarummeernermi peqquserlunneq, assiliineq, peqquserlulluni allannguneq assingusullu
pillugit malittarisassat.
- 4) Nalinginnaasumik torersaarnermut ataatsimooqatigiinnermullu malittarisassat.
- 5) Kinguneqartitsinernek tunniussisarnermut malittarisassat, tak. § 5.

Imm. 2. Ilinniarnermut ileqqorissaarnermullu malittarisassat imaqaassapput, inuit
innarluutillit qanoq immikkut eqqarsaatigineqassanersut.

Perorsaanikkut avoqqaarinninneq

§ 4. Ilisimatusarfiup ilinniarnermut ileqqorissaarnermullu malittarisassaanik annikinnerusumik unioqquitsisoqarnerani ilinniartuq perorsaanikkut rektorimit avoqqaarinqarsinnaavoq. Perorsaanikkut avoqqaarinninneq kinguneqartitsinerunngilaq, tak. § 5.

§ 5. Ilinniartumut ilinniarfiup ilinniarnermut ileqqorissaarnissamullu malittarisassanik malinninngitsumut perorsaanikkut avoqqaarinninneq ilinniarfiup rektoriant naammangitsutut isigineqarpat iliuuserisassat makku atorneqarsinnaapput:

- 1) Mianersoqqussut.
- 2) Soraarummeernermit aneqqusineq.
- 3) Aaqqissuussani ingerlataniluunniit aalajangersimasuni peqataaqqusinnginneq.
- 4) Ilisimatusarfimmiit anisitaagallarneq.
- 5) Ilisimatusarfimmiit anisitsineq.

Imm. 2. Kinguneqartitsineq ilinniarnermi ileqqorissaarnissamilu malittarisassaanik unioqquatinneqartumut naleqquttuussaaq.

Imm. 3. Imm. 1-imi, nr. 4 aamma 5 malillugit kinguneqartitsinissaq aatsaat erseqqissumik nalilersuisoqareernermit tamannalu sioqqullugu allakkatigut mianersoqqusummik tunniussisoqareeraangat aatsaat iliuuserineqartassaaq, taamaattorli tak. imm. 4.

Imm. 4. Ilungersunarluinnartumik pisoqarsimatillugu tassunga ilanngullugu atortunik inummilluunniit ajoqusiiarnerit unitsinniarlugit iliuuseqarnerni imaluunniit taamatut pisoqaqqitsillugu, siumut allakkatigut mianersoqqusummik tunniusseqqaarani kinguneqartitsisoqarsinnaavoq.

Naammagittaalliorneq

§ 6. Nalunaarut manna aamma ilinniarnermut ileqqorissaarnermullu malittarisassat naapertorlugit aalajangiinerit aalajangiinnermit sapaatip akunneri 4-t qaangiutsinnagit ilinniartumit Ilinniartitaanermut Naalackersuisoqarfimmut naammagittaalliuutigineqarsinnaapput. Perorsaanikkut avoqqaarinninnerit naammagittaalliuutigineqarsinnaanngillat.

Imm. 2. Naammagittaalliuut allaganngorlugit rektorimut tunniunneqassaaq. Rektorip aalajangiisimanini aalajangiusimappagu, nammineq suliamut oqaaseqaasiani ilanngullugu piaartumik naammagittaalliuut Ilinniartitaanermut Naalackersuisoqarfimmut ingerlateqqissavaa. Suliaq ingerlateqqinneqartinnagu, rektorip naammagittaalliuuteqartoq oqaaseqaammut oqaaseqaateqarnissaanut periarfississavaa. Naammagittaalliuuteqartoq sapaatip akunnerata 1-ip ingerlanerani oqaaseqaammut oqaaseqaateqarnissaminut periarfissinneqassaaq. Naammagittaalliuuteqartup oqaaseqaatigisinnaasai Ilinniartitaanermut Naalackersuisoqarfimmut ilanngullugit nassiunneqassapput.

Imm. 3. Pisuni immikkut ittuni Ilinniartitaanermut Naalackersuisoqarfik aalajangiisinnaavoq, § 5, imm. 1 naapertorlugit kinguneqartitsinerumut naammagittaalliuut ingerlaannartumik sunniuteqartinneqassasoq.

Atuutilerpera

§ 7. Nalunaarut 1. marts 2021-mi atuutilissaaq.

Imm. 2. Ilinniarnermut ileqqorissaarnermullu malittarisassat piffissami nalunaarutip atuutilerperani ilisimatusarfimmi atuutsinneqartut atuutiinnassapput nalunaarut manna tunngavigalugu ilinniarnermut ileqqorissaarnermullu malittarisassanit nutaanit taarserneqarnissamik tungaanut, taamaattorli tak. imm. 3.

Imm. 3. Ilinniarnermut ileqqorissaarnermullu malittarisassanik atuuttunik nutarterineq ullup nalunaarutip matuma atuutilerfiata kingorna kingusinnerpaamik qaammatit arfillit kingorna ingerlanneqassaaq.

Namminersorlutik Oqartussat ulloq 2. februar 2021

Katti Frederiksen (sign.)

/

Karsten Peter Jensen (sign.)